



UNIVERSITÄTS-  
BIBLIOTHEK  
PADERBORN

## **Claudii Fleurii Abbatis Historia Ecclesiastica**

Ab anno Christi 1601. usque ad annum 1605

**Fleury, Claude**

**August. Vind. [u.a.], 1776**

**VD18 90118790**

§. 31. Fœderis articuli inter Franciæ & Angliæ Reges.

---

[urn:nbn:de:hbz:466:1-67204](https://nbn-resolving.org/urn:nbn:de:hbz:466:1-67204)

arma ad nutum parata contra Hispanos haberet. Sæc. XVII.  
A. C. 1603.

§. XXXI.

*Fœderis articuli inter Franciæ & Angliæ Reges.*

Variis colloquiis ultro citroque habitis, tandem Franciæ Orator, cum *Daniel l. c.* Protestantium sectam in Galliis pro viribus defensum iri polliceretur, cum Jacobo Angliæ Rege in hoc fœderis articulos convenit. I. Antiqua fœdera Gallos inter & Angliæ Reginam erecta innoventur, atque utriusque Principis opera Hispani sollicitentur, ut Hollandos tanquam subditos suos agnoscerent, nullamque eis vim inferrent, si vero id impetrari non posset, ambo Principes in Hollandorum opem, Galliæ Regis *Thuan. l. 129.* sumptibus alendos milites clam habeant paratos. II. Si vero vel Angliæ vel Franciæ Rex ab Hispanis invaderetur, quivis alterutri militum, navium, aurique subsidiis præsto esset. III. Rex Angliæ una classe ad Indos naviget, altera Hispaniæ oras invadat. IV. Neuter altero invito vel incio pacem ineat. V. Hæc pacta, quibus vim illatam repellendi societas promittitur, publici juris fieri possunt, secreta autem tenenda, quæ de vi Hispanis inferenda fuere

Sæc. XVII. conclusa. His additum, quod ex his  
A. C. 1603. duobus Regibus, qui prius decederent  
 superstes erit, defuncti viduam, liberos, regnumque suæ curæ committeret, atque adversus hostes defenderet. Hos articulos, quos Bethunius Villariam deferebat, Henricus Regem more suo chirographo, Regioque sigillis munitos ad Bellomontium suum in Angliæ Regis aula Oratorem transmissit, quibus pariter Jacobus haud contanter subscripserat, ac juxta hæc pactum quantocius sex armatorum millia Ostendæ decrevit, nequicquam conquerentem Tassio Comite Hispaniæ Regis Legato

## §. XXXII.

*Congregationes de Auxiliis coram  
 Papa continuatæ.*

*Serry Hist.  
 Congr. l. 3.  
 cap. 19.  
 Livin. Meyer  
 hist. Controv. l. 5.  
 cap. 17.*

Cum omnes Molinæ propositiones cum Cassiano convenire, a Censoribus arguerentur, atque una omnes anni priori ad examen vocari haud possent, hoc anno die vigesima Januarii præsentibus ipso Clemente Papa, aliisque ad hoc examen deputatis in duabus Congregationibus, binæ ejusdem Authoris propositiones discutiebantur, quarum prima hujus erat tenoris: *An circa Apostoli verba I. ad Cor. cap. 10. v. 13. eadem sit expositio Molinæ ac Cassiani?* Altera sic expo-